



Concello de Meaño



CONVENIO DE COLABORACION ENTRE O CONCELLO DE MEAÑO (NIF P3602700A) E A ASOCIACIÓN UNIÓN MUSICAL DE MEAÑO (CIF G36143857)- CONVIVENCIA MUSICAL 2024

En Meaño,

Dunha parte, D. Carlos Viéitez Fernández, con DNI nº **3097***, actuando en nome e representación do Concello de Meaño, na súa calidade de alcalde, en virtude das facultades representativas que lle atribúe a Lei 7/1985 de 2 de abril, Reguladora das Bases do Réxime Local e a Lei 5/1997, do 22 de xullo, de Administración Local de Galicia.

Doutra parte, D^a Olga Pérez Sanmartín, con DNI nº **8141***, quen ratifica a súa calidade de presidenta da Asociación Unión Musical de Meaño a vez que manifesta que a mesma se atopa ao corrente nas súas obrigas tributarias coa facenda estatal, autonómica e local e que non se atopa incurso en ningunha das causas de prohibición ou incompatibilidade para percibir axudas ou subvencións públicas.

Tendo en conta o artigo 2.1 da Lei 38/2003, de 17 de novembro, xeral de subvencións, que esixe para que as disposicións dinerarias realizadas polas entidades locais teñan a condición de subvencións, que non teñan contraprestación directa do beneficiario, que estean suxeitas ao cumprimento dun determinado obxectivo, a realización dunha actividade ou a adopción dun comportamento singular, xa realizados ou por desenvolver, cumprindo as obrigas materiais e formais que se estableceran, e que estas condutas teñan por obxecto o fomento dunha actividade de utilidade pública, interese social ou a promoción dunha finalidade pública.





Concello de Meaño

Co fin de dar cumprimento ao previsto no artigo 28.1 da Lei 38/2003, de 17 de novembro, que considera os convenios como os instrumentos habituais para a canalización das subvencións directas.

Ámbalas partes, facendo uso da representación que ostentan e coa capacidade legal para celebrar este acto EXPOÑEN:

1º.- Actúan ambos coa representación que legal e regulamentariamente teñen concedida, recoñecéndose reciprocamente os asinantes do presente documento plena capacidade para á firma do presente convenio.

2º.- Que o Concello de Meaño desenvolve como unhas das súas competencias a promoción da cultura de acordo co previsto no artigo 25.2.m) da Lei 7/1985, do 2 de abril, Reguladora das bases do Réxime Local e no artigo 80.2 n) da Lei 5/1997, de 22 de xullo, de Administración Local de Galicia.

3º.- Que é unha actividade de fomento para favorecer os valores da práctica musical e a cultura, así como a súa promoción entre a xente nova, incrementando a cohesión social, motivo polo cal se considera que o impulso municipal á oferta cultural e o fomento do tecido asociativo potencian a acultua, a práctica musical e tamén o desenvolvemento local.

4º.-A Asociación Cultural Unión Musical de Meaño e o Concello de Meaño coinciden no obxectivo da divulgación e recoñecemento dos valores da práctica musical e cultural e a súa promoción entre a xente nova así como da poboación en xeral do municipio.

5º.- Este proxecto se encadra no marco das iniciativas do Concello de Meaño para a promoción cultural, e víñase desenvolvendo anteriormente polo Concello de Meaño a través da escola de música.

6º.-Dado o seu carácter puntual e excepcional do proxecto de convivencia musical dificultase a convocatoria pública dunha subvención, si ben, considerando acreditadas razóns de interese público e social do mesmo, é polo que se articula o presente convenio, que ten por finalidade canalizar a concesión directa, ao abeiro do artigo 22.2.c) da Lei 38/2003, de 17 de novembro, Xeral de Subvencións, dunha subvención á Asociación Unión Musical de Meaño para a organización da “Convivencia musical 2024”.





Concello de Meaño

7º.- Que para a formalización do presente convenio existe consignación orzamentaria suficiente na partida 334-4800001

8º.-Segundo a regulación contida nos artigos 47 a 53 da Lei 40/2015, do 1 de outubro, de réxime Xurídico do Sector Público, son convenios de colaboración os acordos con efectos xurídicos adoptados polas Administracións Públicas entre si ou con suxeitos de dereito privados para acadar un fin común, que contribúan a realización de actividades de utilidade pública ou interese xeral.

Por todo o exposto, acórdase asinar o presente convenio de colaboración baixo as seguintes CLÁUSULAS:

PRIMEIRA. OBXECTO. O presente convenio ten por obxecto establecer as bases de colaboración económica entre o Concello de Meaño e a ASOCIACIÓN UNIÓN MUSICAL DE MEAÑO (CIF G36143857), para a organización da “Convivencia musical 2024”.

SEGUNDA.- SUBVENCIÓN E FINALIDADE. O importe da subvención ascende a 2.000,00 €, que serán aboados con cargo á aplicación orzamentaria 334-4800001
A devandita axuda será destinada ao financiamento de gastos derivados da organización da “Convivencia musical 2024”, desenvolvida entre os días 27 ó 30 de xuño de 2024.

TERCEIRA- OBRIGAS DO BENEFICIARIO.A Asociación Unión Musical de Meaño comprométese a:

- 1) Realizar a actividade subvencionada, segundo a normativa en vigor en materia de persoal, seguridade dos participantes, responsabilidade ante participantes e terceiros, etc.
- 2) Xustificar ante o Concello o cumprimento dos requisitos e condicións que sexan esixibles segundo a normativa aplicable, así como a realización das actividades para as que se concede subvención.
- 3) Facer a debida publicidade onde figure a colaboración por parte do Concello de Meaño de forma clara e inequívoca; incluíndo o logotipo do Concello de Meaño en tamaño suficientemente visible en toda a publicidade en formato físico e dar conta da axuda concedida nas publicacións que se poidan realizar en calquera medio.
- 4) Someterse as actuacións de comprobación que respecto a xestión dos fondos outorgados poida facer o Concello, así como calquera outras de comprobación e control financeiro que





Concello de Meaño

podan realizar os órganos de control competentes, tanto nacionais como comunitarios, aportando tanta información sexa requirida no exercicio de súas actuacións.

5) Comunicar ao Concello a obtención doutras subvencións, axudas, ingresos ou recursos que financien a actividade subvencionada. Esta comunicación deberá efectuarse tan pronto como se coñeza, e en todo caso, antes da xustificación da aplicación dada aos fondos.

CUARTA. COMPATIBILIDADE CON OUTRAS AXUDAS, INGRESOS OU RECURSOS.

A presente subvención é compatible coa percepción doutras subvencións, axudas ou ingresos para a mesma finalidade, procedentes de calquera das administracións e entes públicos ou privados ou persoas físicas, pero, en ningún caso, o conxunto das axudas e achegas recibidas poderá superar o 100% do custo da actividade ou proxecto subvencionado.

QUINTA. LIBRAMENTO DA AXUDA. FORMA DE XUSTIFICACIÓN E PRAZOS

Para percibir a subvención a Asociación Unión Musical de Meaño deberá presentar, con data límite 2 de decembro de 2024, a seguinte documentación por medios electrónicos na sede electrónica do Concello de Meaño:

* Memoria xustificativa da competición.

* Factura/as ou documento equivalente, indicando concepto e importe, conformada electronicamente polo/a Presidente/a da asociación.

De tratarse de gastos de monitores ou director presentaran nóminas, facturas ou liquidacións debidamente asinada polo beneficiario en a que se reflexen os datos persoais, concepto e o importe íntegro da prestación, o importe da retención correspondente ao IRPF e o importe líquido a percibir polo interesado e deberá achegarse o modelo 111 e a Relación Nominal de Traballadores (de ser o caso).

Estes documentos probatorios estarán conformados electronicamente polo/a Presidente/a da asociación, con indicación do DNI.

As facturas deberán de cumprir coa normativa de facturación.

* Acreditación de ter realizado o pago do/s gasto/os xustificado/os mediante transferencia bancaria para facturas por importe maior o igual a 1.000,00 € (artigo 7 da lei7/2012, de





Concello de Meaño

29 de outubro, de modificación de la normativa tributaria y presupuestaria y de adecuación de la normativa financiera para la intensificación de las actuaciones en la prevención y lucha contra el fraude). Cando sexan facturas pagadas en metálico (< 1.000,00 €), debe constar ademais o pagado ou xustificante de recepción emitido pola empresa, selado e rubricado (nome e DNI ou CIF e sinatura). De acordo co establecido no artigo 31.2 da Lei 38/2003, así como no artigo 29 da Lei 9/2007, de subvencións de Galicia, se considera gasto realizado o que fora efectivamente pagado con anterioridade á finalización do período de xustificación.

* Certificación de estar ó corrente no cumprimento das obrigas tributarias (Facenda do Estado, Facenda da Comunidade Autónoma e fronte á Seguridade Social).

* Conta xustificativa do gasto, segundo Anexo que se achega.

* Certificación bancaria na que conste a conta bancaria da asociación.

* Acreditación de contar co seguro de responsabilidade civil e ao corrente do seu pago.

* Xustificación da publicidade onde figure a colaboración por parte do Concello de Meaño con escudo do Concello e texto Concello de Meaño.

Si a documentación presentada non reúne os requisitos esixidos requirirase á persoa interesada, de conformidade co establecido no artigo 68 da Lei 39/2015, de 1 de outubro, do Procedemento Administrativo Común das Administracións Públicas, para que nun prazo de 10 días hábiles emende as faltas ou presente os documentos preceptivos, indicándolle que, en caso de non facelo, se terá por desistida a petición de libramento de fondos correspondentes á axuda concedida, e se arquivará previa resolución ditada nos termos do artigo 21 da citada norma.

SEXTA.- RESPONSABILIDADES

Asociación Unión Musical de Meaño queda sometida á responsabilidade e ao réxime sancionador establecido no artigo 40 do Texto Refundido da Lei reguladora das Facendas Locais así como no Título IV da Lei 38/2003, de 17 de novembro, Xeral de Subvencións.

SÉTIMA.- COMISIÓN DE SEGUIMIENTO

Para o cumprimento do presente convenio créase unha Comisión Mixta de Seguimento, formada pola concelleira de educación, cultura, deporte, ocupación do tempo libre, infancia e xuventude, turismo e comercio, un/unha empregada pública do Concello de Meaño e a





Concello de Meaño

presidenta da Asociación Unión Musical de Meaño.

Dita Comisión será a encargada do seguimento, interpretación e control do convenio, así como, de ser o caso, arbitrar os mecanismos de solución de controversias e de denuncia do convenio por algunha das partes.

OTAVA.- REVOGACIÓN

O Concello de Meaño poderá revogar as axudas previstas neste convenio nos seguintes casos:

- Non reunir os requisitos legalmente establecidos para acadar a condición de beneficiario de axudas e subvencións públicas.
- Obtención da subvención falseando as condicións requiridas para elo ou ocultando aquelas que o impidiran.
- Incumprimento total ou parcial do obxectivo da actividade a subvencionar.
- Incumprimento das obrigas de adoptar as medidas de difusión.
- Resistencia, escusa ou obstrución ou negativa ás actuacións de comprobación e control.
- Non asinar o convenio no prazo sinalado polo Concello.

O incumprimento de calquera das cláusulas do Convenio constituirá causa suficiente de rescisión deste.

NOVENA.- VIXENCIA

O presente convenio entrará en vigor na data da súa sinatura, extendéndose a duración do mesmo dende 1 de xaneiro de 2024 ate o día 2 de decembro de 2024.

DÉCIMA.- NATUREZA

O presente convenio ten natureza administrativa e elaborase no marco Lei 40/2015, do 1 de outubro, de Réxime Xurídico do Sector Público, da Lei 38/2003, do 17 de novembro, Xeral de Subvencións, do R.D. 887/2006, de 21 de xullo polo que se aproba o Regulamento da Lei Xeral de Subvencións, na Lei 9/2007, do 13 de xuño de subvencións de Galicia e Decreto 11/2009, do 8 de xaneiro; rexéndose polo disposto nas cláusulas do mesmo e, no seu defecto, pola lexislación sinalada. Será competente para entender nos litixios que puideran xurdir a Xurisdición Contencioso-Administrativa.

DÉCIMA PRIMEIRA.- PUBLICACIÓN

De conformidade coa Lei 38/2003, do 17 de novembro, o convenio de colaboración e a





Concello de Meaño

información sobre a subvención articulada no mesmo serán comunicados á Base de datos nacional de subvencións (BDNS) e publicado no portal de transparencia do Concello de Meaño, autorizando expresamente os asinantes a publicación dos seus datos persoais.

O presente Convenio obriga ó cumprimento do expresamente pactado, someténdose ámbalas dúas partes ó acordado en tódalas estipulacións.

En proba de conformidade os participantes asinan dixitalmente o presente Convenio.

O alcalde

A presidenta da Asociación Unión Musical de Meaño

